

Efni: Umsókn um leyfi fyrir leiksýningum í Dimmuborgum

Umhverfisstofnun hefur móttengið umsókn Mývatnsstofu ehf, dagsett 3. janúar 2022, um leyfi fyrir verkefninu Jólasveinarnir í Dimmuborgum á Hallarflöt og Jólasveinahelli.

Dimmuborgir eru friðlýstar sem náttúruvætti sbr. auglýsing nr. 1262/2011. Óheimilt er að hrófla við eða skemma á annan hátt jarðmyndanir, spilla gróðri eða trufla dýralíf í náttúruvættinu. Sérstakt leyfi Umhverfisstofnunar þarf fyrir öllum athöfnum og viðburðum svo sem stærri samkomum og kvikmyndun.

Lýsing verkefnis:

Sótt er um leyfi til þriggja ára, þ.e. 2022-2024 fyrir starfsemi allt árið um kring en mest í desember á Hallarflöt og við Jólasveinahelli á sumrin. Um er að ræða endurnýjun á [leyfi Umhverfisstofnunar frá 16. apríl 2019](#). Fjöldi starfsmanna sem kemur að verkefni er samtals 15 manns en verða oftast 2-5 í einu. Gert er ráð fyrir að gestafjöldi verði eins og rými leyfir á stígum við svæðin, þ.e. um 50 manns við Jólasveinahellin og 200 manns á Hallarflöt. Ekki er þörf á að fara út fyrir stíga og ekki er þörf á uppsetningu mannvirkja.

Áhrifamat:

Umhverfisstofnun telur verkefnið ekki vera líklegt til að valda tjóni á náttúrufari svæðisins auk þess sem innviðir bera vel þá umferð sem fylgir verkefninu sé farið að skilyrðum.

Skilyrði:

Umhverfisstofnun veitir Mývatnsstofun ehf. fyrir sitt leyti leyfi fyrir leiksýningum jólasveina í Dimmuborgum sbr. lýsingu hér að ofan árin 2022-2024 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu.
- Öll stýring, framsetning leiðbeininga og hverskonar aðgerðir til að bæta aðgengi að sýningum skulu eiga sér staði í samráði við sérfræðing Umhverfisstofnunar í Mývatnssveit.
- Tilkynna skal til starfsmanns Umhverfisstofnunar á svæðinu þegar verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu og eins ef breytingar verður á tímasetningu verkefnis eins fljótt og auðið er.
- Meðan sýningar fara fram að sumri til skal merkja svæðið við jólasveinahellinn svo gestum megi vera það ljóst að lokaður viðburður eigi sér þar stað á ákveðnum tímum.
- Meðan sýningar fara fram að vetri til skal merkja svæðið við Hallarflöt svo gestum svæðisins megi vera það ljóst að þar fari fram gjaldskyldur viðburður.

- Gestir svæðisins skulu halda sig innan merktra svæða þar sem umferð er heimil og gangi ekki á gróðri eða bergmyndunum.
- Jólasveinar skulu sýna gott fordæmi í umgengni sinni við svæðið og hvetja gesti sína til aðgátar við náttúruna.
- Óheimilt er að fara útfyrir stíga. Þó er heimilt að fara út fyrir stíga á Hallarflöt þegar jörð er hulin snjó.
- Á sumartíma skal taka tillit til þess dýralífs sem er á svæðinu.
- Starfsmenn verkefnisins skulu upplýstir um innihald leyfisins, skilyrði þess og friðlýsingaskilmála svæðisins í samráði við Umhverfisstofnun.
- Vandað verði við frágang að verki loknu.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Starfsmenn verkefnisins gangi snyrtilega um svæðið, forðist allt rask og þess gætt að allur úrgangur verði fjarlægður eftir hverja sýningu.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um starfsemi er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu samhliða almenntri landvörslu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Ingibjörg Marta Bjarnadóttir
sérfræðingur

Davíð Örvar Hansson
sérfræðingur